

營建
禮記

地
全圖

巡幸恭紀

謹案時巡之制肇於虞書詳於戴記望四岳而遍省非一邑所敢私然漢蔡邕云天子車駕所至臣民以爲徽倖故謂之幸我常州府附郭武進陽湖兩縣恭遇

聖祖仁皇帝

高宗純皇帝懋舉南巡之典至三至四

翠華蒞止

賚及耆紳

鳳詔宣傳

恩深耕斂以至

天章之發屢切民依

宸眷之垂尤殷吳會縣輯志乘義首紀

恩爰恭錄康熙乾隆間厯次

聖駕南巡過境所奉

諭旨暨

宸翰

賜予之及兩邑臣民者於篇首以志幸焉

康熙朝

康熙二十三年

舉貢生監耆老跪迎於西郊二十八日自蘇州
回鑾過常州跪送如前其後恭遇

聖駕南巡迎送皆如之 十一月初四日

上諭朕向聞江南財賦之地今觀市鎮通衢似覺充盈其鄉村之
饒人情之樸不及北方皆因粉飾奢華所致爾等身爲大小有司
當潔己愛民奉公守法激濁揚清體恤民隱以副朕老安少懷之
至意

御製南巡筆記二十四日將由儀徵幸江甯府忽遇順風可以速
達京口遂乘沙船順流而下次早登金山晚而登舟揚帆丹陽縣

常州府無錫縣俱未及泊一晝夜行三百六十餘里達姑蘇

御製示江南大小諸吏詩東南財賦地江左人文極時巡歷此疆
民事日探剖風俗貴圖龐紛奢詎能久澄清屬大吏表率羣僚首
郡縣布慈和愷悌歌父母民者國之本生計在畎畝六府既孔脩
三事安可後教化默轉移各須盡官守戶使敦詩書人知崇孝友
庶幾遠邇氓皞皞登仁壽諾誠申予懷斯言愼不負 十月□□
日

上諭江南浙江江西湖廣省分自用兵以來供應繁苦立加恩卹
康熙二十四年所運漕糧着免三分之一自康熙十三年起至二
十四年拖欠漕項錢糧着自康熙二十三年起每年帶徵一年以

康熙二十八年

聖祖仁皇帝恭奉

皇太后南巡二月初二日過常州

御製南巡詩序朕念切民依咨詢幽隱於二十八年春再舉南巡
爰自畿甸東臨齊魯沿沂江淮達於吳越曩者甲子之歲輿衛所
經瞻顧閭閻觀省謠俗憫懷澤國軫恤羣黎未嘗一日忘於朕心
已嘗形諸篇詠載前集中今茲重歷郡邑見民物漸殷生業就理
遠勝曩時中心慰悅又不禁吟咏及之途中停警撤蹕欲以洞悉
輿情數千里間百姓歡躍載路星攢雲集瞻依愛戴發於至誠朕

自惟化理何以克洽民情益用是欣然也乃於巡歷所至沛膏澤
飭官方戒民俗脩典禮經武備覽河防施諸事矣又發諸言或御
帳殿或撫船窗吟咏所及性情在焉古人云詩言志凡朕篇章所
寓時以民生風化惓惓爲念卽閒相眺覽之際抒寫景物指顧山
河要其寄託則自有在也

御製蠲江南逋賦詩序江南屢年逋賦二百二十餘萬逐歲帶征
間吏民頗以爲累朕志存約已宏漉衣菲食之風事期裕民師浥
彼注茲之義特頒詔令悉與蠲除

御製詩國家財賦東南重已責蠲租志念殷膏澤何妨頻見渥普

天願與樂耕耘

遍林亭靡麗風應換敦龐訓屢形施恩頻已責聊亦翠華停 二
月□□日

上諭江南江西總督傅臘塔江蘇巡撫洪之傑安徽巡撫江有良
朕南巡以來軫念民依勤求治理頃至江南境上所經宿遷諸處
民生風景較前次南巡稍加富庶朕念江南財賦甲於他省素切
畱心因尙有歷年帶徵錢糧恐爲民累出京時曾詢戶部知全省
積欠約有二百二十餘萬今親歷茲土訪知民隱無異所聞除江
南正項錢糧已與直隸各省節次蠲免外再將江南全省積年民
欠一應地丁錢糧屯糧蘆課米麥豆雜項概與蠲除自此之後民

免催徵官無參罰爾督撫務須切實舉行俾均沾實惠副朕愛卹
民生至意如有以完作欠侵收肥己等弊一經發覺定行從重治
罪夫民爲邦本足民卽以富國朕平日恭行節儉一絲一粟未嘗
輕費所以如此簡約者無非愛養物力爲優恤元元之地在民間
惟正之供軍國所需豈易驟言蠲免邇年國用少裕故此頻沛恩
施總期藏富於民使家給人足則禮讓益敦庶幾漸臻雍穆之治
與着速行傳諭令咸知朕意特諭 二月十一日

上諭尙書張玉書圖納蘇赫左都御史馬奇侍郎傅臘塔賽畢漢
席爾達張英庫勒納學士凱音布朱都納西安李光地少卿張鵬
翮朕稽古省方咨求治理閱視河道期底平成凡有利於民生必

令其夫實惠玄和次浙省禹陽在望念力禹功御陰盛萬世永賴
應行親詣以展企慕之忱其致祭典禮所司卽察例舉行政治所
先在崇文教江南浙江爲人文萃集之地入學額數應酌量加增
永昭宏獎着該督撫詳議奏請江甯鎮江杭州駐防滿洲漢軍兵
丁鎮守要地久歷歲時深用軫念應如何恩賚以彰優恤着該部
議奏自南巡以來所經過地方官員除八法處分及列款糾劾外
凡因公誣誤降級畱任者俱准與開復降級調用者着帶所降之
級畱任其經過地方見在監禁人犯除十惡及詔款所不赦等罪
并官員犯贓不宥外其餘自康熙二十八年二月十一日以前死
罪及軍流徒罪以下已結未結俱着寬釋以示朕赦宥過之意

備辦船隻地方各官效力勤勞着該督撫會同奉差官員確查具
題各加一級緯夫供役勞苦着該督撫察明人數量給恩賞厘念
民依時蠲租賦總期實德潤澤蒼生近見民間有建立碑亭稱頌
功德雖出羣黎感戴之誠但恐各郡皆然未免致損民力誠使閭
閻殷阜則裨益良多碑亭何與焉嗣後亦宜停止江浙錢糧既經
蠲豁猶慮有不肖有司借端詞訟朘削民生着該督撫嚴行禁飭
至各處權關原有則例朕舟行所至諮訪過關商民不難於輸納
額稅而以稽畱關次不能速過爲苦權關官員理宜遵奉屢頒命
旨恤商惠民豈可反貽商民之累自今應力除積弊凡遇商民抵
關交納正稅卽與放行毋得稽畱苛勒以致苦累違者定行從重

於民生吏治圖維區畫務極周詳爾等可卽傳諭俾一體奉行稱朕意焉特諭

康熙三十八年三月十二日

聖祖仁皇帝恭奉

皇太后南巡三月十二日過常州

南巡詩序朕三度南巡咸因視河親爲籌畫遂至江浙察吏安民所歷之地隨其時宜廣沛膏澤拯疾苦焉茲行兼奉

皇太后鑾輿而南旣可無闕定省之儀且欲見

先帝開基富有四海而朕守成教育率土清甯無慚付託以博

慈顏之懌悅然往返遄迅絕無滯畱百司章奏三日一送行在卽
與剖決舟行多暇仍覽書史日操觚翰偶寄吟篇莫非記採風俗
時存懷保兢業之意後之人讀朕前後南巡諸詩知朕心之有在
云爾 三月十三日

上諭東南爲財賦重地朕時加軫念頻歲以來雖在邊塞用兵之
際未嘗不早夜殷殷睠懷寬恤茲以中外昇平特事巡省並閱河
工江南親察民間饒瘠之狀見淮南北地方疊罹水患深用惻然
已經屢蠲屢振仍命截畱漕糧減價平糴其餘各州縣固市肆安
輯耕鑿恬熙而額賦浩繁民生拮据歷年逋負積算日增合行江
蘇巡撫安徽巡撫所屬舊欠帶徵錢糧計及百萬念小民方供新

稅復急舊逋物力維艱勢難兼辦里井旣多催科之擾官司復滋
參罰之煩應沛特恩概行蠲豁除康熙三十三年恩詔內已經赦
免外其三十四五六年奏銷未完民欠一應地丁錢糧米豆麥雜
稅爾部行文該督撫察明俱着免徵務飭有司悉心奉行俾使窮
簷蔀屋均霑實惠如有已徵在官詭稱民欠希圖侵蝕肥己者一
經發覺定從重治罪朕身處宮禁與巡歷方隅無非孳孳民事但
使閭閻豐足則國家裨益良多以此不惜蠲除頻敷德澤凡厥官
吏軍民宜咸知朕意 四月初八日

御書改祥符寺爲神駿寺

賜寺僧紀蔭水月禪心匾額又

御製檻外青山縱目收繁花初落葉新稠更教點染煙雲色添得
窗前翠欲流七言絕句一章又

御臨米芾書圓其目仰其鼻奮髯吐舌威見齒舞其足前其耳左
顧右擲喜見尾雖猛而和蓋其戲嚴嚴高堂護燕几啼呼顛沛走
百鬼嗟乎妙哉古陸子臨米芾五十七字又

御臨黃庭堅書學書端正則窘於法度側筆取妍往往豐左而病
右故端書如右軍霜寒表子敬乞解臺職狀張長史郎官廳壁記
皆不以法度病其精神至於行書則王家父子隨意肥瘠皆有佳
處近世惟顏魯公楊少師特窺其妙其用筆能左右之不好處更
覺斌媚求一點一畫俗氣不可得比來士大夫惟王荊公書有古

似其爲人一百四十八字

康熙四十二年

聖祖仁皇帝南巡二月初十日過常州

賜常州府知府秦邦英

御書唐句竹色迷行徑松聲洶座隅水清花自照風暖鳥相呼飲
罷思棋局歌長缺唾壺剛來瀟灑地聊復慰須臾臨董其昌書四
十五字

賜武進縣知縣劉喬齡

御書唐句駿馬繡障泥紅塵撲四蹄歸時何太晚日照杏花西二

十字

康熙四十四年

聖祖仁皇帝南巡三月十六日過常州

賜耆老櫻桃

賜太平寺僧祥麟

御書太平興國寺匾額

賜大林菴僧秉岳

御書竹裏尋幽徑雲邊上古臺對聯又

御書唐詩一首

御舟次無錫